

*Veteres, quartò, Lauro hanc quoq; adscripserunt proprietatem, quod hac inter ceteras arbores omnes, Sola, & Vnica sit, quæ non percutiatur ictu fulminis, juxtà hunc Lactantiij Versiculum.*

*Fulgura non metuo, pellunt ea germina Lauri.*

*Eaq; de causa coortâ aliqua violenta tempestate, caput Lauri folijs Coronarunt, Coronatum ab omnibus fulminum ictibus salvum & incolume esse crediderunt; quorum in numero Imperatorem Tyberium fuisse Suetonius in eius vita testatur, dum refert, Eum tonante celo contrâ fulminum ictus, Caput Lauro Coronare solitum fuisse. Vndè ob hanc proprietatem per Laurum Hieroglyphici Pietatem, & Integritatem intellexerunt, juxtà illud Ovidij.*

*Integritas, virtusq; suo munimine tuta,  
Non patet adversæ moribus invidiæ.*

*Et ut Neotericus quidam canit.*

*Sic illæsa malis constat pulcherrima Virtus,  
Laurus, ut est diris integra fulminibus.*

*Et hoc nomine apud Veteres ij, quibus vel in militia armata, vel togata, vel in Republ: certum quoddam administrandi officium commissum concreditumq; fuit, Corona Laureâ donati sunt, qua sic Coronatos admonere voluerunt, ut in omnibus & singulis negotiorum*